

OKÉ TAKE AWAY

**NOS SPECIAL
NOV. 10
PAG. 2**

746-3571



**CIUDADANONAN
DI SANTA CRUZ A
RESPONDE DEN
GRANDI NA CURSO
DI FINANSAS DEN
MI HOGAR**



WWW.SOLODIPUEBLO.COM



SOLODIPUEBLO@GMAIL.COM

MARISOL LOPEZ TROMP MESTER TESTIGUA DEN CASO FLAMINGO




HOF A ORDENA PA LAGA LIBER ACUSADO COMPLICE DI ASESINATO CRUEL DI FRANS ANGELA NA ZEEWIJK

WEB ARUBA NV TA FIRMA UN ACUERDO CU ACCELERON



HOMBER A YEGA TUR HERIDA NA CENTRO DI JUSTICIA NA MACUARIMA



**Hues a rechaza pa
interoga Promer
Minister**

**MARISOL TROMP Y
MAS DI 30 TESTIGO
LO WORDO
INTEROGA PA HUES
COMISARIO DEN
CASO FLAMINGO**

**Otmar ta contento cu
decision di huez:**

**TRES
FUNCIONARIO
DI KPA MESTER
TESTIGUA DEN
CASO FLAMINGO
RIBA NAN
STORIANAN FALSO**

Hues a rechaza pa interoga Promer Minister

MARISOL TROMP Y MAS DI 30 TESTIGO LO WORDO INTEROGA PA HUES COMISARIO DEN CASO FLAMINGO



Awe mainta, den sala di Corte di Husticia, Hues a bisa su decision riba e cantidad di peticionnan cu abogadonan y sospechosonan mes a haci pa scucha testigonan den caso Flamingo. E Hues di Hulanda, a bin Aruba special pa atende cu caso Flamingo.

SOLO DI PUEBLO por a compronde cu Hues a rechaza e peticion pa interoga Promer Minister Wever Croes, Minister Croes y Minister Oduber. Hues a aproba e peticion pa scucha Marisol Tromp.

Den sala di Corte tabata presente Otmar Oduber, su yiu Jeandrick Oduber, Eisia Esser, Richinella Wever Croes y Laurence Phillips.

RECHAZA PETICION PA POSPONE CASO

Ta asina cu abogado mr. Carlo y abogado mr. D.Croes, dialuna a bisa Hues cu nan no a haya suficiente tempo pa studia tur e documentonan. Nan

a pidi pa pospone e “regie zitting” y bin cu un di dos “regie zitting” pa asina nan por tin un mihor bista kendenan tur nan kier pa wordo interoga door di Hues Comisario. Asina mes e abogadonan a menciona un cantidad di personanan cu nan kier pa wordo interoga.

Hues a cuminsa cu Otmar Oduber y a muestra cu Otmar a wordo interoga 10 biaha y abogado mester ta na altura di tur informacionnan. Hues a rechaza e peticion pa pospone e caso. Pa loke ta e peticion pa interoga un cantidad di testigonan, Hues ta haya cu ta na beneficio di e defensa pa scucha testigonan. El a aproba pa scucha 30 testigo cu ta encera entre otro funcionarionan di DIP y algun agente di e team investigador. Tambe den e testigonan tin algun di e sospechosonan di caso Flamingo.

APROBA PETICION PA SCUHCA MARISOL

TROMP

Pa cu e peticion pa scucha e agentenan di investigacion, Hues a rechaza esaki. Pero Hues a aproba e peticion pa interoga Marisol Tromp. E otro testigonan lo wordo rechaza. Hues ta haya cu esaki no ta perhudica Otmar den su defensa.

Hues a aproba e peticion di Esser y Phillip pa scucha Marisol Tromp.

RECHAZA PA SCUCHA PROMER MINISTER

Den e asunto di “spook ambtenaar”, Hues a rechaza e peticion pa scucha e mandatarionan Wever Croes, Croes y Oduber. Hues a muestra cu segun Otmar, tin palabracion politico. Pero segun declaracion di Hans Geerman, e no tabata traha pa Minister Presidente sino Otmar Oduber. Hues a rechaza tambe e peticion di Esser y Phillip pa scucha Promer Minister Wever Croes.

APROBA PA SCUCHA TESTIGONAN

Hues a sigui bisa cu e ta aproba pa scucha 9 testigo di e peticionnan cu mr. D.Croes a haci.

Hues a rechaza e peticion di mr. Odor pa laga psicologo y psiquiatra evalua e estado mental di Wever Croes durante e periodo cu e ta wordo acusa. Hues a bisa cu e lo ordena pa Reclasering traha un raport. Hues a aproba 5 testigo, di e peticionnan di mr. Odor pa wordo interoga na Hues

Comisario.

Hues a aproba e peticion di Jeandrick Oduber, pa scucha 3 testigo.


Hues a aproba e peticion di Phillips, pa scucha Marisol Tromp pero a rechaza e peticion pa scucha Promer Minister.

CASO POSPONI PA TEMPO INDIFINI

Promer cu a caba cu su decision, Hues a bisa cu e por imagina cu despues di scucha testigonan,

abogado(nan) lo kier sucha mas testigo. Hues a bisa cu e abogadonan lo por pidi Hues Comisario y Hues Comisario lo consulta cu Hues. Hues lo evalua si ta haci mas interrogacion of no.

Hues a pospone e caso pa tempo indefini pa asina duna Hues Comisario tur tempo pa scucha e testigonan y laga Reclasering traha e raport.



MENU 10 NOVEMBER

- Carni mula di pasco
- cashupete, olijf, rasenchi
- Bacalao
- Mochi pisca
- Balchi pisca
- Chicken cutsmall
- Parmesan chicken pasta (chicken cutlet cu spaghetti)
- Porkchop
- Sopi pisca 16 oz of 24 oz
- Aroz blanco of moro
- Mini box pa solamente 10 florin
- Balchi pisca
- chicken cutsmall
- Balchi carni cu aroz of spaghetti

746-3571


MARISOL LOPEZ TROMP MESTER TESTIGUA DEN CASO FLAMINGO



Diahuebs mainta hues a dicta sentencia, unda a permiti un total di 31 persona pa bira testigo den e caso Flamingo. Abogado di Otmar Oduber a keda satisfecho cu e decision di hues.

E peticion pa pidi 3 minister como testigo a keda rechasa, esta Promer Minister Evelyn Wever Croes, Minister Glenbert Croes

y Minister Dangui Oduber. E tres ministernan aki lo no wordo scucha como testigo, pasobra nan lo no tin ningun declaracion importante pa e caso. Den e caso aki, Marisol Tromp si mester bay rindi cuenta di su alegacionnan, pero tambe e lo wordo cuestiona riba su rol den asunto di spook ambtenaar.



 OPENBAAR MINISTERIE ARUBA		
Corte di Prome Instancia 10 november 2023		
Horario	Sospechoso	Acto Castigabel
08.15	A.d.J.M.R. M.T.P. E.P.P. R.E.P.	Uitspraak.
08.15	A.A.G.	Uitspraak.
08.30	R.R.A.	A. ta wordo acusa di a viola ley di droga den e periodo di prome di juli 2021 te 18 di juli 2023.
09.15	J.E.M.	M. ta wordo acusa di a viola ley di droga den e periodo di prome di januari 2018 te 17 di augustus 2023.
10.00	R.R.E.L.	L. ta wordo acusa di a haci doño di un cen y/of un auto y varios herment cu e tabatin bao dje den cuadro di su trabao di drecha e auto of order pieza pe durante e periodo di 31 di juli 2023 pa 4 di augustus 2023.
10.30	A.R.L. R.E.S. I.R.S.d.P.	L. y S. ta wordo acusa di contrabando di seis persona den e periodo di prome di november 2022 y 22 di november 2022. L., S. y S.d.P. ta wordo acusa di contrabando di un persona den e periodo di prome di januari 2022 y 22 di maart 2022, kende a bin na fayece.



Openbare Aanbesteding

“Project leveren, installeren en configureren van HPE Alletra dHCI voor Directie Financiën”

De Minister van Financiën en Cultuur is namens het Land Aruba voornemens om in het openbaar aan te besteden de Term of Reference “Project leveren, installeren en configureren van HPE Alletra dHCI voor Directie Financiën”.

Korte omschrijving van het werk:
Levering, installatie, configuratie en gebruiksklaar maken van HPE Alletra dHCI ten behoeve van de DirFin WAN

Ingangsdatum:
De ingangsdatum van het contract is bepaald op 1 januari 2024.

Werkomschrijving:
De werkomschrijving Terms of Reference “Project leveren, installeren en configureren van HPE Alletra dHCI voor Directie Financiën” (TOR) is vanaf **13 november 2023** verkrijgbaar bij de Directie Financiën, Camacuri 2, tegen betaling van AWG 50,00 door middel van pinpas bij de Front Office van Directie Financiën.

Inlichtingenvergadering:
De inlichtingenvergadering zal op **17 november 2023** om 9:00 uur 's ochtends in de Vergaderzaal van Directie Financiën te Camacuri 2 plaatsvinden. De nota van inlichtingen zal op **21 november 2023** aan alle gegadigden digitaal worden toegezonden.

Openbare aanbesteding:
De openbare aanbesteding vindt plaats op **24 november 2023** om 10:00 uur 's ochtends op het kantoor van de Directie Financiën.

Inschrijving:
De offerte op dit werk dient negentig (90) kalenderdagen gestand te doen. Inschrijving dient te geschieden op het bij de TOR gevoegde en gewaarmerkte inschrijvingsformulier. De inschrijver moet bij zijn inschrijving een aantal documenten bijvoegen onder andere:

- Bewijs van inschrijving van de Kamer van Koophandel van Aruba;
- Verklaring van de Ontvanger.
- Overige vereiste documenten zoals vastgesteld in de Term of Reference.



PLAN NACIONAL DI MANTENCION TA SIGUI

Pa seguridad y continuidad di distribucion di coriente pa tur sector.

Ta evita interrupcion di coriente mientras cu e trabounan ta tumando lugar, si en caso ta necesario, lo avisa cu anticipacion.



Redefiniendo Energia

CASACION DEN CASO DI FUNDACION ORGUYO

Riba 10 di November proximo lo tuma luga, e tratamento di e cassatie na "Hoge Raad", cu pais Aruba a entama contra e veredicto di corte comun di husticia di Aruba, Curacao, Sint Maarten, y Boneiro, Sint Eustatius y Saba, di 6 di December 2022. Den e veredicto ey, corte comun di husticia a establece cu den e legislacion di Aruba, matrimonio ta reserva pa personanan di e sexo opuesto. Segun Corte comun di husticia, di un banda, hurisprudencia di Corte Europeo di derecho humano (EHRM), ta establece cu esaki no ta un violacion di e tratado Europeo di derecho humano (EVRM). Pero di otro banda, cu esaki ta empugna cu e prohibicion di discriminacion den nos constitucion di Aruba. Y a base di e ultimo aki, Corte comun di husticia ta yega na e formulacion di e legislacion na Aruba, cu

matrimonio no por wordo reserva solamente pa persona di sexo opuesto sino tambe pa persona di mesun sexo.

Gobierno di Aruba, ta di opinion cu e veredicto aki, no ta aline cu e principianan constitucional di separacion di poder, pasobra Corte comun di husticia defacto, a bay sinta riba e stoel di e legislador (wetgever). E decision pa habri matrimonio pa persona di mesun sexo, ta un decision cu mester wordo tuma door di e legislador di Aruba, pues Gobierno y Parlamento hunto. Gobierno di Aruba ta di opinion, cu e hecho cu hues a aplica e prohibicion di discriminacion di nos constitucion, no por bay asina leu cu e hues mes por dicidi con cierto partinan den nos Codigo Civil mester wordo duna contenido,

y wordo aplica. Ademá, Gobierno di Aruba ta di opinion cu e paso di corte comun di husticia pa mete den e legislacion di Aruba, a wordo subestima, si pensa cu ta solamente algun aspecto di e codigo civil mester wordo corehi. Pasobra si habri matrimonio pa persona di mesun sexo, esaki lo exige hopi mas adaptacionnan den legislacionnan, caminda no solamente e articulonan cu corte comun di husticia ta menciona di codigo civil, sino otro partinan di codigo civil y diferente otro ley y areglonan mester wordo adapta. Sin un base legal, e cambionan aki no ta posibel.

E caso lo wordo trata diabierna proximo 8.30 am orario di Aruba y lo wordo transmiti 'live', via website di Hoge Raad der Nederlanden.

HOF A ORDENA PA LAGA LIBER ACUSADO COMPLICE DI ASESINATO CRUEL DI FRANS ANGELA NA ZEEWIJK

Awe mainta Hof di Corte Superior a ordena pa laga e acusado Walkidia Winterdaal di inmediato liber. Walkidia den Corte den Promer Instancia a wordo haya complice di e asesinato cruel di Frans Angela y a wordo condena hunto cu Jafet Cabrera Baez na 18 aña di prison. Solod di Pueblo por a compronde cu Dialuna 6 November 2023, tratamiento di e apelacion a tuma lugar den oranan di merdia y awe Hof ya a dicidi cu mester laga Walkidia liber.

Abogado mr. Zara a representa e dama Dominicana Walkidia Winterdaal mientras cu mr. Canwood a representa e homber Arubiano Jafet Cabrera Baez.

APELA CONDENA DI 18 AÑA DI PRISON

Ta asina cu tanto Jefat como Walkidia a apela nan sentencia di 18 November 2022, caminda Hues a haya nan culpabel di a asesina Frans Angela na un forma cruel y a condena ambos na 18 aña di prison.


E lamentable incidente aki a

conmove henter comunidad. Dia di tratamiento di e caso, Fiscal a bisa Hues cu Jafet y Walkidia a asesina Frans Angela 79 aña na un forma horroroso. A drei e garganta y kibra nek, a pasa auto riba cabez y curpa di e victima. Fiscal a bisa cu segun patologo, Angela a sufri masha hopi pasobra posiblemente ainda e tabata na bida ora a pasa auto riba dje y e no por a haci nada pa defende su mes. Fiscal a tuma na malo con na un forma horroroso a mata e victimia. El a muestra con Jafet a splica den detayes con el a drei garganta y kibra nek y despues pasa auto. Fiscal a exige pa Jafet 25 aña di prison y pa Walkidia 22 aña di prison.

Dia 18 November 2022 via video conference, Hues a bisa cu e ta haya legalmente proba cu Jafet y Walkidia premedita a asesina señor Angela.

ASESINATO CRUEL

Hues a bisa cu pa cu e castigo, e ta tene cuenta cu e forma cruel cu a mata Angela. Hues a bisa cu e no por imagina con e ultimo minuut



di bida di Angela tabata. Tambe Hues a bisa cu e pareha a laga famia di e victima cu tristeza.

HUES A BAHASTIGO EXIGI

Hues a bisa cu e tambe ta tene cuenta cu e raportnan di psiquiatra cu ta haya Jafet y Walkidia menos responsabel pa loke nan a haci.

Hues a condena Jafet y Walkidia na 18 aña di prison.

HOF A ORDENA PA LAGA ACUSADO LIBER

Por a compronde cu abogado mr. Zara den su defensa a bisa Hof cu e

no ta haya cu Walkidia ta complice di e asesinato cruel. E abogado a pidi pa laga Walkidia liber.

Ayera mainta, dos dia despues di tratamiento di e caso den Corte Superior, Hof a manda un orden pa di inmediato laga Walkidia den libertad pasobra Hof no ta haya cu tin motibonan di peso pa e keda encarcela.

Ta asina cu Ministerio Publico por apela e decision aki. Tempo lo muestra si esey lo sosode. E ora ey ta Corte di Casacion na Hulanda lo atende e caso. Pero esey lo no trece cun'e cu Walkidia lo mester bolbe worde encarcela na KIA pendiente e caso den casacion.



PREMIO EXCELENCIA DEN DEPORTE

SINTONISA



Gabinete Wever-Croes II page

Premio Excelencia Den Deporte

10 di november | 8.00pm

Gabinete Wever - Croes II
Minister di Enseñansa y Deporte
Endy Croes



Ministerio di Enseñansa y Deporte



Deseo
Disciplina
Dedicacion
Determinacion

NO TA CONOSI SI A VIOL'E, A BIN HAYA UN TURISTA FEMENINO SEMI SUNU INCONCIENTE BANDA DI NIKKY BEACH




Diadomingo anochi laat a drenta informe di cu tin un homber banda di un mucha muher inconciente banda di Nikky Beach, mesora a



dirigi tanto polis como ambulans na e sitio. Na yegada di e patruya a bin haya un turista femenino semi sunu inconciente. Na yegada di e ambulans nan a atende e victima

y a transporte pa hospital. Como cu e ta semi sunu y inconciente no ta conosi si aki por ta trata di un caso di violacion.

HOMBER A YEGA TUR HERIDA NA CENTRO DI JUSTICIA NA MACUARIMA




Diadomingo anochi a presenta un pareha cu un mucha homber hopi golpia y herida na Centro di Justicia. Segun e pareha tabata tin 2 hoben

ta bringando cun'e na e crusada pabao di 88 Foodmart y nan a purba yud'e pa e a yega na warda pa yudansa.

Eynan e victima tabata asina furioso cu ela destrui e bentana di e auto di e pareha.

Polisnan a hib'e den warda y a yama pidi pa ambulans. Asina mes den warda e tabata asina agita y rabia cu hasta polis mester a bay asina leu di pone su mannan na boei pa por a atende cun'e. Na yegada di e ambulans nan a atende y a transporte pa hospital.



TRAHADOR A CAY FOR DI TRAPI DI UN HALTURA 3 PA 4 METER HALTO

Dialuna mainta a drenta informe di cu un persona lo a cay for di trapi na Italiëstraat, mesora a dirigi tanto polis como ambulans na e sitio. Na yegada di e patruya ya caba ambulans tabata na e sitio y a bin compronde cu

aki ta trata di un persona cu tabata trahando riba un trapi na un haltura di 3 pa 4 meter y a bin abao herida su mes.

Pa mas sigur ambulans a atende y a transport'e pa un control mas extenso na hospital.



Otmar ta contento cu decision di huez: TRES FUNCIONARIO DI KPA MESTER TESTIGUA DEN CASO FLAMINGO RIBA NAN STORIANAN FALSO

Otmar Oduber a splica diahuebs mainta cu e ta contento cu e decision cu huez a tuma. Pasobra e funcionarionan di KPA, landsrecherche y RST tambe mester testigua den e caso flamingo.

Huez a bay di acuerdo, pa tres funcionario di KPA di departamento di BCI wordo interroga y splica ta di unda nan a haya asina tanto mentira pa pone riba papel pa djey keha Otmar.

Miembronan di RST tambe a pone 5 mentira riba papel y tambe mester wordo scucha como testigo. E di 4 persona cu tambe lo wordo scucha ta Marisol Lopez Tromp.

Pues e 3 polisnan di departamento BCI, cu a pone yen storia falso riba papel, cual tabata e inicio di Caso Flamingo. A bin resulta cu tur nan ponencianan ta sin base. Y e 3 polisnan aki mester bay duna contesta ta di unda y con nan por haci un blunder asina.



Minister Glenbert Croes:

WEB ARUBA NV TA FIRMA UN ACUERDO CU ACCELERON

"Cu e inversion den e "turbo charger" nan aki, WEB ta pone un fundeshi grandi, pa ora tin disturbio den e facilidadnan di WEB mes, actua y corehi debidamente"



Diahuebs mainta, Minister di Energia Glenbert Croes a asisti na e ceremonia y conferencia di prensa pa loke ta e firmamento di un acuerdo entre WEB y Acceleron. Minister Croes a indica, cu como Minister di Energia, e ta sumamente orguyoso di e acuerdo firma, mirando cu e ekiponan y facilidadnan nobo aki, lo yuda pa e produccion di awa y

coriente ta mas confiabel y estable.

E acuerdo aki, ta un muestra di e compromiso cu WEB Aruba NV tin cu nos pueblo, na unda conhuntamente cu e compania Acceleron, ta pone un piedra grandi den e fundeshi, pa brinda comunidad di Aruba, e confiabilidad y siguridad, cu e ekipo y facilidadnan

nobo aki ta sigura cu e produccion di awa y coriente ta tuma lugha debidamente.

Minister Croes ta felicita e liderasgo di e director y e personal completo di WEB Aruba NV, pa nan esfuerso, nan trabou incansabel y nan dedicacion na brinda e pueblo di Aruba un servicio di awa y coriente sigur. WEB Aruba NV ta un di e companianan strategico den e desaroyo y progreso di pais Aruba y lo por conta cu e sosten di Gobierno, den tur inversion cu nan ta haciendo, pa brinda e pueblo di Aruba un bon produccion y calidad di awa como tambe produccion di coriente continuo y estable. "Masha pabien na e staff y personal di Web Aruba NV. Nos ta contento cu



boso trabou y ta orguyoso pa wak un compania grandi manera Acceleron deposita su confiansa den Aruba y den e relacion cu WEB Aruba NV" Minister Croes a expresa.

E mandatario a continua expresando cu e ta orguyoso di tur e profesionalnan na WEB Aruba N.V. cu e tremendo logro di e acuerdo logra cu

ACCELERON. Esaki lo haci cu e trabou di reparacion di nos ekiponan lo wordo haci na Aruba mes hunto cu e expertonan di WEB.

Esaki lo aporta grandemente den reparacion cu rapides y confiabilidad sigurando continuidad den e produccion di awa y electricidad pa henter Aruba.

Minister Endy Croes:

ARUBA TA KEDA CORDIALMENTE INVITA PA SINTONISA PREMIO EXCELENCIA DEN DEPORTE EN BIBO AWE NOCHI 8 OR A TRAVES DI CANAL 22 Y PAGINA DI FACEBOOK DI GABINETE WEVER – CROES

Un anochi di gala dedica na nos atletanan. Exitu na e 130 nominadonan!



: E anochi mas grandi den deporte di Aruba ta tuma lugu awe nochi, unda cu ta reconoce e atletanan

cu mas a destaca den nan disciplina pa aña 2022. Un total di 130 atleta ta nomina den diferente

categoría. Un total di bintinuebe (29) federacion a manda nomber di nan atleta cu mas a sobresali. Pa prome biaha a introduci e categoria entrenado di aña unda cu lo reconoce bintishete (27) entrenado pa nan contribucion den e desaroyo di deporte di Aruba. Durante e anochi di gala aki ta rindi homenahe na dies (10) baluarte deportivo cu a dedica gran parti di nan bida na desaroyo di deporte di Aruba. Tambe, shete (7) atleta olimpico lo ricibi un certificado y pin for di World Olympians Association pa nan esfuerso y pa promove e balornan olimpico.

E anochi di gala ta tuma lugu awe nochi, 10 di november den e luhoso



Renaissance Convention Center, cuminsando 8 or di anochi. Pueblo di Aruba ta keda cordialmente invita pa sintonisa e anochi

mas grandi den deporte di Aruba en bibo a traves di Canal 22 y pagina di Facebook di Gabinete Wever-Croes.

POLIS A BAY DILANTI JONTAI NA PIEDRA PLAT PA UN MUCHA MUHER DEN PANICO

Diadomingo anochi a drenta informe di cu un mucha homber a bin topa cu un muher den panico dilanti Jontai na Piedra Plat, mesora a dirigi un patruya na e sitio. Na yegada di e patruya e agentenan a papia cu e mucha muher pa ela trankilisa y asina por a atende cun'e y intermedia den e asunto. E mucha muher a keda trankilo cu e intervencion policial.



Minister Geoffrey Wever:

CIUDADANONAN DI SANTA CRUZ A RESPONDE DEN GRANDI NA CURSO DI FINANSAS DEN MI HOGAR



Riba 7 di november un total di 75 ciudadano a inicia nan participacion na e curso Finansas den mi Hogar den distrito di Santa Cruz. Distrito di Santa Cruz ta e ultimo distrito pa ricibi e curso Finansas den mi Hogar.

Durante transcurso di e aña Finansas den mi Hogar a bishita tur e diferente districtonan na Aruba. E curso na Santa Cruz lo clausura un aña sumamente exitoso di educacion financiero.

Ta importante pa nos ta consciente riba nos entrada y gasto y con esaki ta afecta nos estabilidad y metanan financiero. E curso ta enfoca pa

nos bira critico riba nos decisionnan financiero y tambe riba nos actitud cu por afecta sin cu nos sa, e cartera. Un consumidor consciente y critico ta e fundeshi di un economia inclusivo y duradero. E habilidad di un persona pa maneha su entrada y gastonan ta un habilidad necesario, cu ta yuda evita problemanan financiero manera debe (of gastonan) innecesario.

Finansas den mi Hogar a wordo organisa y financia door di Ministerio di Asuntonan Economico y desaroya y presenta door di Fundacion Plan di Bida. A zorg pa por trece esaki mas cerca posibel na ciudadanonan

interesa, y a haci esaki completamente gratis pa asina elimina cualkier barera of incertidumbre di participacion.

“Ta importante pa haci’e facil pa nos ciudadanonan por yega y participa na e curso di Finansas den mi Hogar. P’esey e meta tabata pa ofrece e curso Finansas den mi Hogar gratis y den tur distrito, mas cerca di nos ciudadanonan”, segun minister Geoffrey Wever.

Den e aña binidero lo sigui enfoca riba diferente temanan di educacion financiero, continuando cu maneho di eleva e conocimiento di nos ciudadanonan den aspectonan comercial

y financiero. Minister Geoffrey Wever ta gradicira sra. Paloma Osorio di fundacion Plan di Bida pa su esfuersonan durante aña.




Ekshibishon di Arte Ta Mostra e fushon Vibrante di Kulturanan:


Giovani Zanolino i Chiel Zelst Uní den un Demonstrashon Impresionante di Talento Artístiko

[Willemstad,] — 11 di novèmber próksimo nos Isla di Arte ta prepará pa eksperensiá un meskla impresionante di kultura, koló i kreativitat na momentu ku Giovani Zanolino i Chiel van Zelst bini huntu den un ekshibishon di arte impresionante. E demonstrashon fasinante aki ta prometé di hiba bishitantenan riba un biahe visual ku ta traspasá frontera i ta trese varios mundu huntu. Detayenan di Ekshibishon: Título: "Kolónan di konekshon" Fecha: 11 di novèmber 2023, resepsion di apertura 10AM Lugá: Galeria Zanolino na Pietermaai 33, Willemstad, Kòrsou Orario: Djamars-Djabièr- nè 10:00-13:30 Djasabra 11:00-14:30 Giovani Zanolino, un artista di mixed-media versátil nasí na Kòrsou, no ta un desconosí den mundu di arte. Despues di a kambia di residensia pa Ulanda, e ta sigui kultivá riba tereno artístiko huntu ku Ingenie Dammers na Zanolino Gallery na Pietermaai. Su trabou ta wòrdu selebrá pa e uso di koló, detayenan intrikó, i un fushon di diferente medio ku ta traspasá e fronteranan di arte tradishonal.

ART EXHIBITION



COLORS OF CONNECTION



GIOVANI ZANOLINO & CHIEL ZELST
NOV 11 OPENING AT 10 AM
Zanolino GALLERY & ATELIER

Chiel Zelst, na otro banda, ta un artista prosedente di Amsterdam ku a studia na Rietveld i New York Art Academy. Mas resien, Chiel a wòrdu inspirá riba nos isla bunita i a kuminsá krea paisahe di siudatnan vibrante i kreashonnan abstrakto ku un eksploshon di koló i emoshon. Ku su abilitat innato pa kapta e esensia di su alrededor, e obranan di Chiel ta ofresé un perspektiva refreshkante

riba nos arkitektura monumental i ekspreshonnan abstrakto. "Kolónan di Konekshon" ta un oportunitat úniko pa presensiá e enkuentro di dos mundu artístiko, kaminda e estilonan distinto di e artistanan ta konvergí pa krea un eksperensia visual sumamente impresionante. E espasio di galeria lo transformá den un kanvas kaminda kulturanan, koló i kreativitat ta meskla sin esfuerso, resultando den un narashon visual impresionante. Nos ta yama un i tur bon biní pa pasa na Zanolino Gallery pa e apertura djasabra próksimo! Pa mas informashon tokante e ekshibishon aki, por tuma kontakto ku Ingenie Dammers na ZanolinoGallery@gmail.co

Clasificados






SOLODIPUEBLO@GMAIL.COM
CEL. 585 9500



ORACION DI DIA



Un dia fructifero y cu Dios brasa boso cu Su misericordia infinito

'No haci cas di mi Tata un marshe!' Huan 2,16
Nos Iglesia ta un luga caminda comunidad ta bay adora, resa y alaba Señor. Un respet profundo nos tin pa Señor y tambe pa nos Iglesia, ban sigui bishita nos Iglesia y asina cumpli cu Su mandamento di Santifica Dia di Señor.

Nos mester purifica tambe nos tempel pa asina Spirito Santo haci Su entrada y por keda cerca nos na tur momento. Pa nos purifica nos tempel nos mester keda liber di pica, tambe liber di pensamentonan malo, mal habito y bicio.
Nos lo por haci esaki? Pensa un rato con pa logra keda liber di tur pica.

Oracion: Señor Hesus danki pa tur bendicion ricibi, danki pa semper t'ey pa nos pa guia nos pa purifica nos tempel. Mi ta pidi Bo guia mi oracion pa aumenta mi fe. Duna mi e curashi pa defende e berdad cu Sagrada Escritura ta revela.

Danki pa semper t'ey pa scucha mi y duna mi e capacidad pa percibi Bo bos Señor. Concede mi corespone na Bo inmenso amor na tur momento.
Amen.

SOLO

SUDOKU MANIA

1					7		9	
	3			2				8
		9	6			5		
		5	3			9		
	1			8				2
6					4			
3							1	
	4							7
		7				3		

Lider di Fraccion di MEP, Hendrik Tevreden: Parlamentarionan di Eerste Kamer un biaha mas cu critica pisa contra gobierno Hulandes relaciona cu trato pa cu Aruba



ORANJESTAD, Aruba 06 November 2023: Lider di Fraccion di MEP, Parlamentario Hendrik Tevreden ta indica cu por tuma nota cu un biaha mas Eerste Kamer ta lansa criticanan fuerte contra gobierno Hulandes. Esaki relaciona cu e trato pa cu Aruba. Frapante ta cu tin parlamentarionan local enbes di para cu Aruba, nan ta colga na bachi di

Gobierno Hulandes den e situacion aki.

Partidonan Volt, Groen Links y PvdA den Eerste Kamer tin dificultad pa acepta cu Gobierno di Aruba ta haya interes halto pa motibo cu no kier regla Supervision Financiero den un Rijkswet (Ley di Reino).

"Een stap in de verkeerde

richting. Ik vind dat teleurstellend", aldus Eerste Kammerlid Eddy Hartog (Volt) tijdens de algemene politieke beschouwingen. Hij kreeg bijval van Fer Crone (GL/PvdA): "Waarom moet dit nou strak?".

Nan ta considera cu esaki ta e direccion robes. Banda di esaki e Parlamentarionan ta haya esaki algo decepcionante. Tur dos Parlamentario Hulandes ta considera e forma cu e gabinete Hulandes ta 'castigando' e paisnan cu un 'strafrente' pa no bisa sin a e ley di Reino algo no apropia den Reino Hulandes. Esaki ta bay contra e spirito di articulo 36 di Statuto.

Ta asina cu si Aruba haya interes halto di Hulanda cu esaki lo pisa riba e pre-

supuesto di Aruba. Y esaki e Parlamentario Hulandes sr. Crone (Groenlinks – PvdA) no ta haya husto y ta boga pa interes di 3% o 3,6% pa Aruba. Te hasta un mocion a keda entrega di parti di e Parlamentarionan Hartog y Crone caminda nan ta pidi nan gobierno pa opta pa uza e maneranan mas constructivo pa logra un bon gestion financiero den Reino Hulandes, cu no ta trece cu ne un reduccion di e margen financiero di e paisnan receptor, ni di banda di e gastonan ni di banda di e entradanan.

E mocion ta bisa: "Motie Hartog/Crone - verzoekt de regering om te kiezen voor constructievere manieren om goed financieel beheer binnen het Koninkrijk te bewerkstel-

lingen, die niet tot beperking van de financiële ruimte voor de ontvangende landen leiden, via de uitgaven dan wel de inkomstenkant, en gaat over tot de orde van de dag".

Parlamentario Tevreden ta indica cu sigur e lo amplia mas riba e debate aki cu a tuma lugar de Eerste Kamer y lo ta pendiente riba kico e votacion final lo bira e siman aki.

Eerste Kamer y Tweede Kamer Hulandes a cuminsa comprende mas y mas cu e normanan presenta den RAft sigur ta uno cu lo limita Aruba, y mirando cu Aruba tin surplus pa 2023 y 2024 y ta manteniendo e palabracionnan financiero cu a wordo haci e strafrente aki no ta correcto.

Ministerio di Cultura y Comision Celebracion
Dianan Nacional a anuncia:

“SINTERKLAAS Y PIETNAN DI COLOR TA YEGA ARUBA DIADOMINGO 19 NOVEMBER PA 3’OR DI ATARDI”

Dialuna atardi durante un Conferencia di Prensa Comision Celebracion Dianan Nacional y Ministerio di Cultura a anuncia cu recientemente nan a ricibi e carta oficial di Sinterklaas cu e fecha y orario cu nan lo yega Aruba. Sinterklaas y Pietnan ta hopi contento cu un biaha mas nan ta bishita Aruba pa saluda y laga regalo y mangel pa tur mucha. Sinterklaas a informa cu e aña aki e te yega Aruba riba bispo di celebracion di “Dia Internacional di Derecho di Mucha”, diadomingo 19 di november y debi na e situacion di tempo nan lo yega Aruba pa exactamente 3’or di atardi na e

entrada principal di APA.

Despues cu e Sinterklaas y Pietnan wordo ricibi pa Minister di Finanzas y Cultura mr. Xiomara Maduro lo sigui un parada riba L.G. Smith Boulevard acompaña pa Massive Brassband, Musica, Grupo di Pitbull Productions y Guccie Dancers cu lo duna presentacion di baile y canta riba e ruta hunto cu tur e pietnan di colo. E parada lo wordo anima pa Tanchi Esmee cu lo percursa pa tur e alegria riba caminda resalta den un ambiente unico yena cu colo y fantasia.

Pa 4:30pm e show di mucha ta



cuminsa riba Renaissance Market Place anima pa Tio George cu diferente gruponan di baile y artistanan infantil. Mientras cu show ta cuminsa tur mucha lo por warda Sint y su Pietnan na Renaissance Market Place pa saca potret den un bunita photobooth cu lo wordo crea. Renaissance Market Place ta percursa pa tur mucha haya gratis “pop corn” y “cotton Candy”. Tambe lo tin Dino Jump pa nos muchanan por disfruta e dia bunita aki.

CCDN kier a gradici na Sra. Ruth Gaarie y Pitbull Productions pa e bunita cancion dedica na e celebracion di Sinterklaas y Piet titula ‘Sint y Piet trece colo’ cu pronto por wordo scucha na tur radio emisora. Danki special na Departamento di Cultura, Ministerio di Cultura, Unoca, Aruba Bank, Renaissance Market Place, APA, DOW, Rode Kruis y Cuerpo Policial cu un biaha mas ta haci e bishita di Sinterklaas y Pietnan posibel na Aruba.

Aeropuerto di Aruba cu logro remarcabel durante Routes World 2023



Aruba Airport Authority N.V. (AAA) den representacion di Barbara Brown, Chief Revenue Development & Communications Officer y Jo-Anne Meaux-Arends, Aviation Business Development Executive, a atende e di 28 edicion di Routes World na Istanbul. Routes World ta un evento clave den industria global di aviacion, treciendo mas di 2.500 profesional den e industria di aviacion, aeropuerto y stakeholders di aviacion, segun Routes Online mes a informa. Durante e conferencia, Aeropuerto di Aruba a tene mas di 20 reunion cu aerolineanan estableci caba como tambe esunnan cu ta cuminsando. Tambe cu diferente aeropuerto clave manera Bello Horizonte y Guarulhos Airport. Como resultado di e reunionnan aki, a establece diferente asociacion cu lidernan den e industria manera Flair Airlines, Air France, Edelweiss Air AG y Breeze. Mirando cu Aruba ta experenciando mas demanda, particularmente for di e mercado di Merca, Canada y Latino America, asisti na un conferencia di e tipo aki ta fortalece e posicion di Aeropuerto di Aruba como un mercado di gran productividad y

destinacion preferi pa e aerolineanan cu ta en busca di un expansion. Ademá, Aeropuerto di Aruba a aborda e retonan di capacidad na Europa, incluyendo Schiphol y a combersa riba e plannan di transporte aereo pa 2024-2026. E plannan aki ta inclui varios proyecto importante di expansion na Aruba, desaroyo di e inventario di cambernan na Aruba y introduccion di servicio nobo y mas frecuencia di vuelo. E aspectonan cu mas a destaca a inclui:

1: Southwest lo aumenta frecuencia di vuelo den zomer 2024 pa e ruta di Baltimore (BWI) - Aruba (AUA). E servicio lo bay di 2 vuelo pa siman pa 5 vuelo pa siman, haciendo uzo di avion Boeing 737 y 738, ofreciendo aproximadamente 143 asiento pa vuelo. Ta spera cu e expansion aki lo genera aproximadamente 429 asiento semanal adicional pa Aruba for di Baltimore. Ya caba Southwest a logra avance substancial na Aeropuerto di Aruba, cu un aumento anterior den e frecuencia di vuelo desde Orlando (MCO) na servicio diario na comienso di e aña aki.

2: Delta Air Lines a confirma e incorporacion di

un di dos servicio for di JFK (New York) pa e temporada di winter y tin plan pa actualisa su avion di un B757 pa un A320-neo debi na e demanda cu ta creciendo.

3: Copa Airlines, cu actualmente ta opera vuelo diario pa Panama (PTY), tin planea pa dobel e vuelonan aki pa 2024, demostrando un compromiso cu expansion.

4: Canadian Airlines ta dedica na mehora e servicio directo na nos isla durante e lunanan di zomer, ofreciendo su pasaheronan mas opcion di biahe.







5: Ta spera cu Wingo lo por establece un di cuater destinacion pa 2024, mejorando ainda mas e conexon y accesibilidad pa Latino America. E desaroyonan aki ta marca un fase emocionante di crecimiento y miho opcion di biahe pa Aeropuerto di Aruba, ya cu e ta den un posicion pa ofrece e biaheronan un experiencia excepcional y fortalece ainda mas su posicion den e industria di aviacion global.

Tocante AUA Airport Aeropuerto di Aruba ta un di e aeroportonan mas ocupa den region Caribe cu mas di 22 diferente aerolinea operando pa Aruba contribuyendo na mas cu 2.5 milyon pasahero pa aña y cu buelonan pa 30 diferente destinacion rond di mundo y 45 destinacion non-stop rond mundo. Aeropuerto di Aruba ta sirbi 71% di mercado di Merca y Canada, 17% di Latino America, 7% di Europa y 5% di Caribe Hulandes te cu september 2023. Aeropuerto di Aruba ta reconoce cu esaki ta danki na e economia sta-



biel, clima politico, hospitalidad, poblacion diversifica y siguridad general di nos isla. Aeropuerto di Aruba su aspiracion ta pa bira un di e aeroportonan di mas sostenibel, safe y a prueba di futuro den Latino America & Caribe, brindando un luga di trabou sigur, cu facilidadnan moderno y un servicio excelente na e clientenan cu ta refleha nos hospitali-

dad, contribuyendo na un futuro prospero pa Aruba. Conoce mas di loke ta pasando na Aeropuerto di Aruba door di bishita www.airportaruba.com y conecta cu AUA airport riba [Twitter.com/Aruba_Airport](https://twitter.com/Aruba_Airport), [Facebook.com/ArubaAirport](https://facebook.com/ArubaAirport), [Instagram.com/arubaairport/](https://instagram.com/arubaairport/) y [LinkedIn.com/ArubaAirport](https://linkedin.com/ArubaAirport).

Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado : Sorteo 09 Nov 2023 Merdia		
 Sorteo # 4089 5136 8406 4425 MULTI-X X2 BIG 4 Sorteo # 4089 0437 DFF Sorteo # 2145 6095 ZODIAC Sorteo # 4089 7764 Scorpio LUCKY 3 Sorteo # 963 189 MULTI-X X2	 Sorteo # 0 x Jackpot 0 x Match 4+ 0 x match 4 0 x Afl. 12,00  Sorteo # 0 x Jackpot 0 x Match 4 0 x Afl. 8,00  Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00  Sorteo #	Joker Letter Proximo Jackpot 1.900.000,- Proximo Jackpot 60.000,- Mega Ball: Proximo Jackpot 450.000,- Afl. 610.000,- 

Caquetio, Africano, Europeo:

Nos tur ta un famia

Fonds voor Cultuurparticipatie a aproba proyecto personal



E adulto mayor ta e yabi di e pasado y e porta na e futuro. E pensamiento aki a forma e fundeshi di e proyecto Caquetio, Africano, Europeo: Nos tur ta un famia

E proyecto aki ta e resultado di e disculpa di premier Rutte dia 19 di December 2022 y di e rey Willem Alexander cu a pidi pordon pa e esclavitud transatlantico Hulandes dia 1 di juli 2023. E año 2023-2024 a wordo declara e año di Conmemoracion di esclavitud Hulandes transatlantico den reino Hulandes. Y Hulanda a duna dos miyon euro pa proyectonan den reino durante di e año di conmemoracion. Un miyon euro a bai na Mondriaan Fonds y un miyon euro a bai na Fonds voor Cultuurparticipatie pa nan parti pa proyectonan. Den cuadro di esaki Fonds voor Cultuurparticipatie a aproba e proyecto personal Caquetio, Africano, Europeo: Nos tur ta un famia di life coach y museologo Lilly Marlene Peterson MA y su team.

Manera e number di e fondo ta informa nos e proyectonan cu wordo aproba mester inclui e participacion di gruponan den comunidad. Sra. Peterson a scohe e adulto mayor di cua su hendenan tabata esclavisa of tabata tin escalvo aki na Aruba como su grupo di enfoque. E ta mira e adulto mayor como e yabi na e pasado y e porta pa e futuro. Y e ta spera di conecta e adulto mayor ainda mas cu su famia.

Sra. Peterson su inspiracion pa e proyecto aki a bin parcialmente di e buki Ons eilandje Aruba di sra. Laura Wernet-Paskel cu a wordo

publica den año 1992. Laura na pagina 38 ta conta nos e siguiente: “Dat de mensen zich ná de afschaffing van de slavernij toen werkelijk één voelden, blijkt uit hun vrijheidslied met dit Frans getinte refrein:

Liberté, égalité	Vri-
jheid, gelijkheid	Wij
Nos tur ta un.	E r
zijn allen één.	
No tin catibo mas.	
zijn geen slaven meer.”	

Den traduccion esaki ta lesa: E cantica di libertad ta e muestra cu despues di e abolicion di esclavitud hende a sinti nan mes berdaderamente un.

E cantica di libertad ta bisa “Nos tur ta un.” Sra. Peterson kier sa di e grupo di enfoque con a para cu e unificacion cu Laura ta papia di dje. Tambe e kier sa ta ki trabou tin pa hasi 160 año despues di e abolicion di esclavitud. Pesey sra. Peterson ta puntra e adulto mayor pa yud’e contesta e pregunta si tras di e number di e proyecto mester bin un signo di slamacion: Nos tur ta un famia! Of un signo di pregunta: Nos tur ta un famia? Dikon contesta e pregunta sensitivo aki? Dikon busca informacion di bo pasado? Esey ta bo so por dicidi. Tin hende cu ta bisa laga e pasado den pasado. Cu otro palabra nan no kier sa. Tin hende cu no ta worry y tin hende cu si kier sa. Busca informacion en conexion cu bo pasado ta un

proceso personal y ta abo so por dicidi si bo kier sa e storia di bo famia en relacion cu esclavitud.

Cu e proyecto aki sra. Peterson ta ofrece ayudo na e adulto mayor cu kier sa si nan tin ancestro cu tabata esclavisa. Pa yuda cu esaki sra. Peterson lo laga traha un pelicula di instruccion con pa haya acceso e registro di catibo riba e website di Archivo Nacional Aruba usando bo telefon. Ora bo Subi e website www.coleccion.aw y drenta den e registro di Archivo Nacional Aruba y busca bo informacion. Porta bo a descubri cu bo hendenan tabata esclavisa aki na Aruba. Por ta bo a descubri cu bo hendenan a esclavisa otro hende aki riba nos isla. Por ta bo lo adescubri cu bo hendenan no tabata ni shon ni catibo. Por ta bo descubri cu bo hendenan tabata shon y catibo.

E team lo kier presenta e video instructivo Nos tur ta un famia den e barionan rond di nos isla. Pa hasi esaki ta pidi Centro di bario y organisacionan cu ta traha cu e adulto mayor pa traha hunto cu nos den e realizacion di e proyecto aki. Nos meta ta pa presenta e pelicula den 30 bario. Nos ta spera cu despus di e presentacionan den bario cu por lo menos 25 persona busca nan informacion riba e website y avisa nos di nan accion. Di nos curason nos ta spera di encurasha hopi mas hende pa mira e importancia di haya sa nan storia en conexion cu esclavitud y

comparti nan storia cu nan famia y si por cu e resto di e comunidad. Den e barionan ta bai tin e posibilidad pa bo por papia cu un team. Si bo kier papia di locual bo a descubri, den en registro di catibo riba e website di Archivo Nacional Aruba, na un manera mas priva sra. Peterson ta ofrece e posibilidad pa bo por comunica cu su persona via email y WhatsApp. Y si bo kier comparti bo storia cu e publico tin e posibilidad pa bo expresa bo mes via Facebook.

Banda di Fonds Cultuurparticipatie e proyecto aki tin e apoyo y sosten di Archivo Nacional Aruba y di Stichting Rancho. Nos ta aprecia si nos por haya e sosten di otro hende y organizacion. E articulo aki ta marca e comienso di e proyecto. E proyecto ta tuma lugar durante e periodo di un año cuminsando awe dia 8 di november 2023 y ta wordo clausura dia 8 di november 2024.

E proyecto a wordo hasi posibel door di Fonds voor Cultuurparticipatie. Fonds voor Cultuurparticipatie ta duna sosten na iniciativa cu ta stimula participacion na cultura. Si bo kier pa nos duna un presentacion di e video na bo grupo bo por tuma contacto cu nos.

Ta bai tin e posibilidad pa bo por sigui nos riba Facebook: Nos tur ta un famia. Manyan dia 9 di november cu ta World Freedom Day di USA nos ta habri un email adres pa bo esaki ta: nosturtaunfamia@gmail.com



Año di Conmemoracion di Historia di Esclavitud

Parlamentario Ricky Hoek, Fraccion MEP: Mike Eman version 2.0 lo mester cuminsa trece su pensamentonan constructivo prome den Parlamento di Aruba cu ta e caminda unda e mester traha



su actitud di sinta bou di un palo y no tuma accion, mi ta kere e no a pone Aruba den ningun luz positivo e tempo ey, compara cu awe cu sra. Evelyn Wever-Croes a bay Hulanda y a haci bishita na tur instancia ta muestra con serio nos gabinete ta. Ta muestra con cualifica nos Prome Minister ta y cu e por haci un bon trabao”, Rick Hoek a remarca.

Mike Eman version 2.0: Manipulacion cerebral ta sigui Parlamentario Hoek kier pa Sr. Mike Eman y pueblo mes tambe corda cu mester ta consciente di loke ta e wega y e manipulacion cerebral cu sr. Eman ta treciendo atrobe. Esaki ta e Mike Eman version 2.0 caminda cu e ta bin cu informacionnan pa purba manipula pueblo. Sinembargo, tin e resultadonan den e rapport “Bo Aruba” di su prome experencia di tempo cu e tabata prome minister.

Riba e topico di minimumloon, e Parlamentario a indica cu Eman ta keha cu salario minimo no ta suficiente na Aruba. MEP a aumenta entrada y poder di compra ora cu a hisa ‘minimumloon’ 4 biaha durante Gabinete Wever-Croes I y II.

Pa esnan cu ta kere ciegame loka Mike Eman ta bisa, Gobierno di MEP a traha y ta trahando pa e pensionadonan nan bienestar. Lo por haci mas, pero esaki ta bay segun progreso economico-financiero manera Gabinete Wever-Croes II ta haciendo. Pa di prome, MEP a aumenta pensioen di biehes tres biaha y esaki ta hopi mas biaha y un suma hopi mas halto di loka

Mike Eman mes a haci durante di su gobernacion.

Pa di dos, a aumenta ‘reparatietoeslag’ cu Afl. 45 florin pa asina yega na e suma di Afl. 170 florin pa luna pa e pensionadonan. Pa di tres, a baha ‘grondbelasting’ di e pensionadonan. E plan di impuesto 2023 ta baha e peso fiscal pa e pensionadonan y akinan por wak cu e suma liber di impuesto ta subi te cu 30 mil florin pa aña y a separa e cobranza di impuesto di pensioen di pareha di SVb. Pero tur esaki si Mike Eman ni OPPA ta trece dilanti. Ta djis pa laga parce cu nada ta wordo haci pa nos aduhtonan mayor.

E Parlamentario a finalisa bisando “Shonnan sea alerto. No cay den manipulacion cerebral di Mike Eman. Gabinete Wever-Croes II ta haciendo un bon trabao. Nos ta bayendo den pasonan positivo, nos ta progresando poco poco”.

E version 2.0 di Mike Eman, ta ripiti mesun cos. Pa mas informacion concreto riba e maneho financiero desastroso di Mike Eman por busca e rapport “Bo Aruba” di Algemene Rekenkamer Aruba riba www.gobierno.aw. Tur cifra a keda publica y asina por haci comparacion cu loka Sr. Eman ta bisa y loka e la haci.

ORANJESTAD, Aruba 8 di November 2023: Parlamentario Ricky Hoek a duna di conoce cu ta keda scucha y wak den medianan di comunicacion cu Mike Eman, cu su actitud di ‘Monkey See Monkey Do’, atrobe a bay haci bishita na VNO y tambe a subi avion pa bay Hulanda, na momento cu Prome Minister a bay Hulanda.

Ta cuestiona kico ta e idea di Mike Eman, kende a bisa cu e a biaha pa Hulanda pa bay trece pensamentonan nobo y mas constructivo. Den opinion di Hoek, sr. Eman lo

mester cuminsa trece su pensamentonan constructivo prome cerca Parlamento di Aruba caminda e ta estableci y caminda cu e ta traha. Banda di esaki Eman ta bisa cu mester trece alivio den e situacion na Aruba y e relacion cu Reino.

Situacion na Aruba ta progresando y ta bayendo den bon direccion y cu e relacion cu Reino, cu Prome Minister Evelyn Wever-Croes aworaki tin, ta mas miho cu nunca compara cu tempo cu sr. Mike Eman tabata Prome Minister di Aruba, a bisa. “Cu

PRONOSTICO DI TEMPO

VALIDO TE DIABIERNA 10 DI NOVEMBER 2023, 18:00 ORA

TEMPO:
AWE TARDI Y AWE NOCHI: LEVEMENTE TE PARCIALMENTE NUBLA Y GENERALMENTE SECO
DEN MARDUGA Y MAYAN: PARCIALMENTE NUBLA CU UN AWACERO PASAJERO

TEMPERATURA MAXIMO 32 GRADO CELSIUS
TEMPERATURA MINIMO 27 GRADO CELSIUS
INDICE DI CALOR (HEAT INDEX) DEN Y ROND DI ORANAN DI MERDIA: 33 PA 40 GRADO CELSIUS
UV INDEX: 9

BAHADA DI SOLO : 6:11 PM
SUBIDA DI SOLO : 6:36 AM.
BIENTO:
MODERA FOR DI DIRECCIONAN GENERALMENTE OOST;
FORSA 3 TE 4 (12 TE 30 KM/ORA, 7 TE 16 NUDO).
DURANTE DIA BASTA FUERTE TE POSIBLEMENTE
FUERTE DEN RAFAGA;
FORSA 5 TE 6 (31 TE 50 KM/ORA, 17 TE 27 NUDO).
SITUACION GENERAL DI TEMPO PA PROXIMO 24 ORA:
EXTENCION DI E AREA DI PRECION HALTO RIBA ATLANTICO
LO DOMINA E WEER DEN REGION, MANTENIENDO ESAKI POR
LO GENERAL SECO. SINEMBARGO, HUMEDAD DEN NIVELNAN
MAS ABOU LO WORDU TRANSPORTA CU E BIENTO Y POR
PRODUCI LOCALMENTE UN AWACERO PASAJERO.

STICHTING BLOEDBANK ARUBA

BO SANGER TA SALBA BIDA!

☎ 587 0002

f StichtingBloedbankAruba

Registra pa bira donante na www.bloedbankaruba.aw

ECOTECH FREEZONE TA REACCIONA RIBA COMUNICADO DI STICHTING PARKIETENBOS ARUBA:

Ecotech Freezone no ta e problema

A invita Stichting Parkietenbos Aruba pero nunca a bin wak nos facilidad

Gerencia di Ecotech Freezone ta sorprendi y ta lamenta cu Sr. Aldrich Croes, como presidente di Stichting Parkietenbos Aruba (SPA), ta emiti un comunicado ayera dia 5 di november 2023, caminda un biaha mas ta atacha directamente tur e trabounan cu e empresa local, Ecotech Freezone, a eherce na bienestar di Pais Aruba.

A invita Stichting Parkietenbos Aruba na varios ocasion pa libremente inspecciona delaster un skina y buraco na Ser'i Teishi pa asina nan mes

constata cu no tin nada di holo malo, pero te dia di awe nan a scoge pa no presenta. Ta varios instancia local y internacional, ambos di sector priva y publico, a haya un tour completo di tur locual ta haci na Ser'i Teishi. Varios di e mesun expertonan aki a keda asombra di mira con bon e operacion ta cana y riba dje conforme reglanan Europeo, unda cu nan mes no por a imagina cu na Aruba nos tin un maneho asina profesional y limpi den procesa desperdicio.

Ta bon pa enfatisa cu

Ecotech Freezone, regularmente ta paga companianan internacional pa "audit" nan operacion completo, e protocol cu ta efectua den maneho di envirobales, con ta dera nan, etc. Tur e reportnan aki ta bay bek na Gobierno di Aruba y Serlimar, pa demostra tur esfuerso cu ta haci pa tin un operacion sostenibel, eficiente y bon pa medio ambiente.

Stichting Parkietenbos Aruba a haya un invitacion directamente for di gerencia di Ecotech Freezone pa nan tambe presen-



cia e trabounan riba Ser'i Teishi dia 6 di october 2022 y ayera atrobe, dia 5 di november 2023. Pero, lamentablemente na ningun di dos ocasion Stichting Parkietenbos Aruba a presenta!

No por keda sin remarca cu e dump na Parkietenbos tin varios reto ainda. Pero, Ecotech Freezone

no ta causa di e problema. Ta lamenta pa mira con un fundacion manera Stichting Parkietenbos Aruba ta emiti un comunicado cu acusacionnan y insinuacionnan sin base, dañando e bon nomber di e empresa local, cu tin como meta pa asisti Pais Aruba den e proceso di desperdicio.

Minister Endy Croes:

A FIRMA UN MOU CU THE CARIBBEAN ACCREDITATION AUTHORITY FOR EDUCATION IN MEDICINE AND OTHER HEALTH PROFESSIONS (CAAM-HP)

CAAM -HP ta e instancia cu lo controla y acredita e universidadnan di medicina na Aruba.



ORANJESTAD- Diabierna atardi, durante Conferencia di Prensa di Gobierno di Aruba, Minister di Enseñansa y Deporte Sr. Endy Croes hunto cu colega Minister di Turismo & Salud Publico Sr. Dangui Oduber y Sra. Loma Parkins, directora di "The Caribbean Accreditation Authority for Education

in Medicine and Other Health Professions" a firma un acuerdo pa apunta e organo di acreditacion CAAM-HP, pa acredita scolnan di medicina estableci na Aruba, pa asina garantisa e calidad y nivel di educacion. CAAM-HP ta un organizacion internacional reconoci cu ta acredita universidadnan

pa asina brinda e studiantenan cu finalisa nan estudio di MD, e oportunidad pa continua nan estudio na Merca. CAAM-HP ta conoci den e islanan CARICOM. CAAM-HP ta reconoci door di ECFMG y por evalua e curiculo di educacion y acredita facultadnan di medicina. Na Aruba no tin un sistema



pa controla e calidad di e estudionan. Cu e acuerdo aki CAAM-HP ta e instancia cu ta bay controla y acredita e universidadnan di medicina na Aruba. Minister Endy Croes a enfatisa di ta hopi contento cu e acuerdo aki. Awo, e universidadnan di Aruba por aplica CAAM - HP. CAAM - HP ta laga nan expertonan haci control na Aruba pa asina por acredita nan. Merca ta reconoce CAAM -HP como un di e autoridad-

nan cu ta controla estudio di medicina. Esaki sigur ta un logro pa Aruba. Minister Endy Croes ta gradicir e profesional-, ministerio- y departamentonan di gobierno a traha hunto pa awe por a logra esaki pa Pais Aruba. Minister Endy Croes ta felicita y gradicir Sr. Andin Bikker cu a lidera e proyecto aki y colega Minister Dangui Oduber pa su excelente cooperacion. Pabien na Pais Aruba cu e logro aki.

STICHTING PARKIETENBOS: STOP DERAMENTO DI DESPERDICIO NA SER'I TEISHI E MOLESTER DI HOLO A BIRA CONSTANTE

Habitantenan di barionan di Mahuma, Buena Vista, Parkietenbos y Simeon Antonio a acerca Stichting Parkietenbos pa reclama encuanto e holo malo y posibel gas toxico cu por ta afectando e habitantenan di e barionan continuamente. Especialmente durante e lunanan cu biento ta cambia e famianan ta reclama cu nan ta haya efecto di tres area, Ser'I Teishi, Barcadera y Dump di Parkietenbos.


Ademas e habitantenan a pidi pa recorda Gobierno cu nan a firma pa cera no solamente e dump di Parkietenbos pero tambe pa stop e deramento di sushi na Ser'I Teish. Tambe den e manifesto entrega a urgi pa bay over na uza sistemanan mas moderno di procesa desperdicio y cu no ta

causa tanto molester pa e habitantenan y afecta nan aire di hala rosea cual ta esencial pa biba cu un bon salud.

Durante di e ultimo tres lunanan cu a pasa e molester di aire contamina un biaha mas a intensifica y habitantenan ta lanta mainta trempa caba cu holo malo. Fundacion Parkietenbos a manda dos carta caba pa Minister Ursell Arends, sinembargo despues di 4 luna ainda nan no a haya un contesta o reaccion. Awor nan a didici pa manda un carta pa Minister President Sra. Evelyn Wever Croes urgiendo e promer mandatario pa considera e situacion un Crisis y pa involvi e Oficina di Maneho di Crisis pa tuma over e situacion. Stichting Parkietenbos kier informa e habitantenan di

e barionan y comunidad di Aruba engeneral cu durante e prome Gabinete Wever Croes miembronan di e fundacion a participa na un serie di reunionnan importante cu tur stakeholdernan involvi incluyendo DNM, DVG, WEB y TNO, pa asina planea con ta bay soluciona e problema di maneho di desperdicio pa Aruba.

Despues di intercambio cu multiple expert, a bay di acuerdo pa despues cu cera Dump, pa solamente un periodo temporario di 2 aña por dera desperdicio na Ser'I Teishi y despues implementa sistemanan mas moderno y controla, cu menos molester y daño Ambiental pa e besindario. Ademas e tipo di practicanan aki di dera desperdicio comprimi bao di suelo no



ta permiti den otro paisnan pa motibo di e daño cu esaki ta causa na e subsuelo y contaminacion di e aire y medio ambiente.

Na aña 2020 casi 2000 habitante di e barionan concerni a firma pa apoya e solucionnan proponi y un manifesto a keda entrega na Gobierno. Sinembargo apesar di a cera Dump, awo e molester a bira mas constante y for di varios direccion mientras cu no ta hayando reaccion di Minister

concerni. E habitantenan obviamente hopi preocupa, no kier mira un siguiente capitulo di Dump di Parkietenbos ripiti su mes na Ser'I Teishi of cualkier otro area den e besindario. Hopi ta e famianan cu tin un of mas miembro cu a bira malo y hasta cu a fayece a consecuencia di e aire contaminada cu ta afecta e barionan aki pa tanto aña caba. Hala rosea di aire limpi ta un derecho humano proclamado pa United Nations.

IGLESIANA CRISTIAN DI ARUBA TA OPINA GOBIERNO TIN E OBLIGACION DI SCUCHA PUEBLO

Actualmente tin un proposicion di ley na Parlamento pa legalisa matrimonio entre personanan di mesun sexo. Raad van Advies a duna su conseho positivo caba riba e proposicion di ley aki y Hof tambe a obliga gobierno introduci un ley di tal indole. Gobierno di Aruba no tabata di acuerdo cu e decision di Hof y diabierna 10 di november huesnan di casacion lo cuminsa trata e caso na Hulanda.

Nos por a scucha nos Prome Minister defende derechonan di e comunidad LGBT+ den un conferencia na Den Haag tocante progreso di feminismo. Lidernan religioso tambe ta

para pa derecho igual den casonan igual. Sinembargo tanto Gobierno como Parlamento mester realisa cu ora ta trata di matrimonio di personanan di mesun sexo Corte Europeo pa Derecho humano ya a dicta cu aki no ta trata di casonan igual. Consecuentemente no tin derecho legal pa habri matrimonio pa personanan di mesun sexo na Aruba.

Gobierno y Parlamento mester puntra nan mes dicon e luchadonan pro LGBT+ a bini cu un proposicion di ley pa acomoda lesbiana y gay (LG) pero nada pa bisexualnan (B). Si e lucha berdaderamente tabata pa igualdad ta exclui bi-

sexualnan for di e proposicion di ley aki. Esaki no ta prueba cu e meta real no ta igualdad sino simplemente desmantela matrimonio conforme ley di Dios y ley di naturalesa? Legalisa matrimonio entre personanan di mesun ta habri un caha di pandora pa legalisa tur otro tipo di preferencia sexual den futuro. Pedofielnan na Hulanda y Merca ya a cuminsa uza e mesun strategia cu homosexualnan tambe ta uza, esta nos a nace asina.

E consecuencianan di legalisa matrimonio di mesun ta mucho mas cu simplemente duna dos personan cu ta stima otro cierto derecho. E ta encera

tambe cu Gobierno ta declara cu e acto homosexual ta normal y cu esaki mester wordo inclui den enseñansa na nos muchanan. Pa no papia mes di e riesgonan pa salud ora hende uza partinan di e curpa humano contrario na su diseño y funcion. Ya caba tin un aumento di problema di salud bou di hende muhe den un relacion heterosexual den cual ta uza practicanan di e bida homosexual. Esaki ta djis algun di e consecuencianan si Parlamento declara

cu e acto homosexual ta normal.

Gobierno no mester sucumbi pa presion di Hulanda cu hasta a cambia su constitucion pa acomoda hendenan LGBT+. Lidernan religioso ta haci un apelacion na Gobierno pa duna pueblo di Aruba e oportunidad pa expresa su mes riba e topico aki pa medio di un referendum. Asina so por garantisa cu democracia ta funciona berdaderamente relaciona cu e topico aki.

